


唐詩三百首補注

陈婉俊
注

中國書局



清 陈婉俊 辑注

唐詩三百首補注

中國書局

(京)新登字213号

唐诗三百首补注

陈婉俊 注

•

中国书店 出版

全国新华书店经销 北京大中印刷厂印刷

•

850×1168 1/32 印张：13.25

1991年3月第1版 1995年8月第2次印刷

印数：15 001—25 000

ISBN 7-80568-195-3/I·45


定价：12.00元

唐詩三百首爲蘅塘退士定本風行海內幾至家置
一編惜箋註太疏讀者病之上元陳伯英文史手輯
補註八卷字梳句櫛攷覈精嚴能令讀者不假祭獺
而坐獲食蹠津逮初學功匪淺鮮第其書版藏李氏
餐花閣中坊間罕有其本所以沾丐士林者恐未能
徧也爰取其書重加釐訂付之手民以廣其傳書中
體例悉仍其舊惟少陵詠懷古蹟詩本五首蘅塘止
錄其二不免絀漏今刻仍爲補入俾讀者得窺全豹
註則悉依杜詩鏡詮未敢竄易一字焉刻成悉心嘗

校尙無淮雨別風之謬較餐花閣本似更精緻云
光緒十一年仲夏月中浣四藤陰社主人識

蘅塘退士原序

世俗兒童就學卽授千家詩取其易於成誦故流傳不廢但其詩隨手掇拾工拙莫辨且止五七律絕二體而唐宋人又雜出其間殊乖體製因專就唐詩中膾炙人口之作擇其尤要者每體得數十首共三百餘首錄成一編爲家塾課本俾童而習之白首亦莫能廢較千家詩不遠勝耶諺云熟讀唐詩三百首不會吟詩也會吟請以是編驗之



上元伯英女史余外孫李鏡緣世芬內也爲陳叔良
觀察女幼聰慧喜讀書叔良鍾愛之相攸綦嚴適余
姪倩李仲甫以其尊人海颿先生官西蜀僑寓金陵
因得爲鏡緣締婚焉余時權兩淮鹺政會晉省得悉
良緣知女史爲閨中之秀然不意其能著述也越數
載女史來歸鏡緣余已移官海外寓書問訊於郵筒
中獲睹女史詩詞爲欣賞者久之迨余左遷西蜀道
出里門鏡緣亦歸里見其案頭有補註唐詩詢知爲
伯英女史所輯考核援引俱能精當殆所謂讀書難

字過者歟屬付棗梨津逮初學鏡緣則遜謝不遑爲不欲爲詒癡符比也余謂不然自古註書得之閨閣者恆鮮而精當尤難茲所補註倩梓人傳之亦一時佳話也余老矣且遠處西陲是刻之成尤以先覩爲快鏡緣誌之其終遑余言是則老人之殷盼也夫

道光二十四年嘉平月石甫老人姚瑩書

凡例

一是書名曰補註但詮實事以資檢閱若詩中義蘊之深意境之妙讀者宜自領取無庸強就我範曲爲之說反汨初學性靈也識者鑒諸

一取證之書當以最先者爲主自王逸註離騷於元圃引淮南子李善註洛神賦之遠游履引繁欽定情詩使後人藉口至近世箋唐詩者遂有引宋人詩爲証且雜以俗語殊乖體例茲編援引未敢效尤

一是編引註之義有二凡詩中用事卽引本事以證之者爲正註至尋源遡流博采他書以相證者爲互註正註非陳隋以上之書不列於篇而互註則自唐宋及明間爲采入然必有按某書某某云字樣以別之終不敢以口吻爲策府也一詩中有誤用事者如少伯之龍城飛將是也有借用事者如右丞之衛青天幸是也諸如此類不可枚舉今誤者辨之借者證之非如宋元諸人竄易古書爲之立解

一詩中字有疑誤必索古本訂正其無可叅訂者則云當作某字字有兩可者則云一作某字或云某本作某字至於點畫訛舛魯魚混淆則寄目以視假腕以書亦不能保其必無也尙冀世之君子是正焉

一詩人爵里姓氏原書闕註今博覽史傳諸書更爲廣註俱列於諸公詩之初見者題上俾讀是公詩卽得梗概其餘行事有關於詩則隨篇分附此不備載

居三言
一凡詩中所詠邑里山川古蹟必稽之前籍參以
唐誌又實以明地誌及

大清一統志蓋陵谷既遷名號數易非本諸唐誌則
不知所自來非證以今名則不復可尋考兼而
列之庶幾覽古之一助閱者幸不以妄引後世
書傳概之

一凡宋元明諸家詩話有關詞義間采一二他如
品隲高下較量淺深等語概置弗錄正以是編
專註而未及評解雕龍之論姑俟異日

一詩中有一事屢見者設俱爲繁引未免詞複言
重今凡有事已見前者後不復贅間有重見者
引用之字面雖同而引證之字義要自有辨
一是書原刻旁批往復周詳有譏其淺陋者然意
在啟迪初學並非概語宏通其誘掖苦心不可
沒也今悉仍之

上元女史陳婉俊識

			SECRET
			11

唐詩三百首補註

目錄 蘅塘退士原編

五言古詩三十三首

樂府七首

七言古詩二十八首

樂府十四首

五言律詩八十首

七言律詩五十首

樂府一首

五言絕句二十九首

樂府八首

七言絕句五十一首

樂府九首

共三百一十首

